

CURSO DE ESPECIALIZACIÓN INSTRUMENTAL ²⁰²³₂₀₂₄

CONTRABAIXO

FAGOT

ÓBOE

VIOLÍN

**CONVOCATORIA
EXTRAORDINARIA**

PRESENTACIÓN DE SOLICITUDES

As solicitudes deben presentarse ata o
3 de novembro de 2023 a través da web
www.eaem.es

As probas de selección terán lugar o
11 de novembro de 2023 na sede da EAEM.

Dirixido a estudantes de grao medio ou superior.

ESCOLA DE ALTOS ESTUDOS MUSICAIS

Finca de Vista Alegre. Rúa Salvadas, s/n - 15705 Santiago de Compostela

Horario de información: de luns a venres de 10h a 14h | E-mail: eaem@rfgalicia.org | Tel.: 981 554 222 |

www.eaem.es



CURSO DE ESPECIALIZACIÓN INSTRUMENTAL 2023 2024

A Escola de Altos Estudos Musicais convoca as probas do Curso de Especialización Instrumental (CEI) 2023-2024 nas seguintes especialidades:

· CONTRABAIXO · FAGOT · ÓBOE · VIOLÍN ·

CARACTERÍSTICAS DO CURSO

- > **Alumnado:**
Estudantes de grao medio ou superior.
- > **Duración do curso:**
De novembro de 2023 a xuño de 2024.
- > **Profesorado:**
O profesorado e o seu currículo poderán consultarse na páxina web da Escola.
- > **Obxectivo do Curso:**
O perfeccionamento instrumental da especialidade elixida, a través de 15 horas de clase individual repartidas ao longo do curso académico.

Organizaranse actividades de prácticas de conxunto en diferente períodos durante o curso.

PRESENTACIÓN DE SOLICITUDES

As solicitudes deben presentarse ata o **3 de novembro de 2023** a través da páxina web eaem.es, acompañadas da seguinte documentación:

- > Currículo, indicando o curso que están a realizar na actualidade.
- > Relación de obras que se van interpretar no caso de que sexan de libre elección.

Darase prioridade aos alumnos que non realizasen estudos noutras edicións do Curso de Especialización Instrumental.

PROBAS E CRITERIOS DE SELECCIÓN DOS CANDIDATOS

As probas de selección terán lugar o **11 de novembro de 2023** na sede da EAEM.

As probas realizaranse coa finalidade de cubrir as prazas das diferentes especialidades, en función da dispoñibilidade e necesidade da Escola.

Aqueles candidatos que non consigan praza como alumnos activos pasarán a integrar unha lista de espera, que terá un período de validez do ano académico obxecto da convocatoria.

A escola disporá de pianistas acompañantes para quen o solicite no boletín de inscrición.

- > **Contido das probas:**
O contido das probas poderá descargarse na páxina web da Escola.
- > **Tribunais:**
Formaranse tribunais por especialidades onde os membros singulares serán o Director Asociado e o Xefe de Estudos da Escola. Os membros non singulares serán os profesores da EAEM de cada especialidade.

MATRICULACIÓN

Unha vez finalizadas as probas e publicados os resultados, os candidatos seleccionados poderán formalizar a matrícula ata o **16 de novembro de 2023**, aboando o prezo do curso. No suposto de que, unha vez rematado este prazo, non se cubrise a totalidade das prazas ofertadas, farase pública a relación de candidatos en lista de espera. Neste caso os candidatos poderán formalizar a súa matrícula o **22 de novembro de 2023**.

> **Prezo da matrícula:** 300€

O aboamento da matrícula poderase realizar en dous únicos pagos de 150€. Establécese o **30 de decembro de 2023** como data límite para o aboamento do segundo prazo. Neste caso, o primeiro pago realizarase respectando os prazos previstos na formalización da matrícula.

O pago da matrícula realizarase telematicamente a través da páxina web da Escola.

REQUISITOS PARA A OBTENCIÓN DO DIPLOMA E CONDICIÓN DE PERMANENCIA

Os alumnos deberán asistir aos ensaios e concertos das actividades de conxunto instrumental nas datas e horarios establecidos.

A carga lectiva mínima das clases individuais para poder continuar no curso e obter o diploma correspondente establécese en 5 horas por trimestre.

No caso de que non se supere a carga lectiva mínima no primeiro trimestre (outubro-décembro), considerarase abandono do Curso, dando lugar a unha praza vacante que poderá ser ofertada aos candidatos da lista de espera por rigorosa orde de puntuación. O candidato da lista de espera poderá matricularse no curso previo aboamento da parte proporcional da matrícula do curso.

- > **Perda da condición de alumno e dereitos de matriculación:**
 - Non superar a carga lectiva mínima establecida por trimestre.
 - Non asistir aos ensaios e concertos nas datas e horarios establecidos.

> **Diploma:**
Todos os alumnos recibirán un diploma acreditativo dos seus estudos.

Os alumnos que realicen o curso con máximo aproveitamento e, tras realizar unha proba que demostre os seus progresos, poderán promover un curso máis despois do pago da matrícula correspondente.

